

## কেন আমরা বয়কট করতে পারছি না?

Shamsul Arefin Shakti

2022-04-27 00:06:49 +0600 +06

1 MIN READ

কোনো বয়কটের আওয়াজ শুনলেই কিছু মুসলিমের পক্ষ থেকে প্রশ্ন উঠে আসে: বয়কট করা সম্ভব না। ঘুম থেকে উঠে বাথরুম অব্দি ওদের প্রোডাক্টই আমরা ব্যবহার করি। ওদের ছাড়া আমার একদিনও চলে না। পারলে হুজুররা একই মানের বিকল্প দেখান।

প্রথমত, হুজুরদের বিকল্প দেখানোর ঠেকা নাই। আপনার যদি গায়রত (আত্মসম্মান) বলে কিছু থাকে, এরা যেভাবে মুসলিমদের ঈমান-আমলের উপর হামলা করছে, এতে যদি আপনার পরান পোড়ে, আপনি নিজ দায়িত্বে বিকল্প খুঁজে নেবেন। ইউনিলিভারের লাক্স সাবানের বদলে কেয়া সাবান দিয়ে গোসল করবেন। **এটা আপনার আত্মসম্মানবোধের বিষয়, এটা হালাল-হারামের ইস্যু না যে হুজুরদের বলে দিতে হবে।**

দ্বিতীয়ত, ইসলাম আমাদের একটা বিরাট অস্ত্র দিয়েছিল,

যেটার কথা আমি প্রায়ই বলি। **যুহদ বা দুনিয়াবিমুখতা।** ধরে নিলাম সার্ব্বত্রের কোনোই বিকল্প নেই। এরপরও যদি আপনি সেটার ব্যবহার সীমিত করে ফেলেন, সেটাও এদের **লোকসানের কারণ।** পোশাক যেন ময়লা কম হয়, সপ্তাহে একবার সীমিত পরিমাণে ব্যবহার ইত্যাদি অনেক কৌশল আপনি নিজেই বের করতে পারবেন, যদি আপনি আসলেই বয়কট করতে চান। **পণ্য ভোগ সীমিতকরণ ইসলামের এই দুনিয়াবিমুখতার অংশ।** ক্লোজ-আপ পেপসোডেন্ট ব্যবহার সীমিত করুন। পেস্টের মেনথল আমাদের টেস্টোস্টেরোনের জন্য খারাপ। মিসওয়াকের হুকুম কি নেই আমাদের? বিকল্প তো আছেই, দেখতে পান?

তৃতীয়ত, ইউনিলিভারের সানসিল্ক শ্যাম্পুতে চুল ভালো পরিষ্কার হয় কথার কথা। মান খুবই ভালো। আরেক দেশী প্রোডাক্টে অতটা হয় না। **না হোক। আমার আত্মসম্মান আমার গায়রত এটাই মেনে নেবে। কম পরিষ্কার হয় হোক, যত ভালো মানেরই হোক ইউনিলিভার আমি ব্যবহার করব না।**

ইউনিলিভারেরটা কাছের দোকানে পাওয়া যায়, যাক। আমি দূরের দোকানে গিয়ে নন-ইউনিলিভার কিনে আনব।

ইউনিলিভারেরটা দাম কম, হোক। আমি একটু বেশি দাম দিয়ে নন-ইউনিলিভারেরটা ব্যবহার করব। এগুলো অনুভূতির বিষয়

ভাই। কেউ-ই বলবে না যে, ইউনিলিভার ব্যবহার করলে  
গুনাহ হবে। এটা অন্তরের কষ্ট, রাগ, গায়রত,  
আত্মমর্যাদাবোধের বিষয়।

শরীরে যদি রক্ত-মাংস-মেরুদণ্ড থাকে, মুসলিম মা-বাপের  
কোলে যদি মানুষ হয়ে থাকি, যদি মুসলিম সমাজে ক্লোজ-  
আপের এই উপর্যুপরি হঠকারিতায় রক্ত গরম হয়ে থাকে, তবে  
যত কষ্টই হোক আমি ইউনিলিভারকে নিজ দায়িত্বে আল্লাহকে  
দেখানোর জন্য বয়কট করব। কেউ আমার বাথরুমে এসে  
দেখবে না আমি কার প্রোডাক্ট ইউয করি। আল্লাহ দেখবেন:  
তঁার হুকুমের প্রতি আমার মর্যাদাবোধ কতখানি।

<image1>

<image2>

মূলপাতা

## কেন আমরা বয়কট করতে পারছি না?

🕒 1 MIN READ

🍃 BY

Shamsul Arefin Shakti

📅 2022-04-27 00:06:49 +0600 +06

[shamsularefin.com/id/585](https://shamsularefin.com/id/585)